


續名醫類案

第廿四



續名醫類案卷十四

錢塘魏之琇編集

海昌王士雄孟英
定州楊照藜素園

同校

膈

張子和治遂平李官人妻咽中如物塞食不下中滿他醫治之不效診其脈曰此痰膈也內經曰三陽結爲膈王啟玄又曰格陽云陽盛之極故食格拒而不入先以通經散越其一半後以舟車丸下之凡三次食已下又以瓜蒂散再越之健啖如昔日矣



164
北京中医药大学图书馆

王思中治鹽院某行部至常州病膈症不起諸太醫麈集皆

技窮王至曰此是關而非膈可治也乃以半夏麴一兩爲

君製劑與服不半月動履如常

吳江縣志

章良玉老年得關格症醫藥不效殊無起色偶道人過門索

食其子食之頃曰汝家何事奔皇乃爾語之故且延視之

道人曰勿慮而翁今日可不死矣令人從我去其子卽偕

至三山門外小茅菴中道人出囊中藥草一束悉以付之

曰此通腸接骨草也四月發芽百日枯多生於觀音山早

向陽晚受陰狀似益母梗方而回綠葉如芸採得汁一盞

便活一人此則去年所收乾者可將若干放砂礮內用一

大盂水煎歸如法治以進父服三椀果神效及走謝已行

矣此草尚有半又轉以活上河一徐姓者考本草無所謂

通腸接骨草也續金陵瑣事此条似屬可刪但世間實有治噎草藥用之如神今形狀悉具

可以按形而索倘遇識者誠活人至寶也故存之至草藥多隨口起名必欲執本草以求之拘矣

一貧叟病噎膈食入即吐胸中刺痛或合取韭汁入鹽梅鹵

汁少許細呷得入漸加此條乃真噎症治法亦佳忽吐稠涎數升而愈

此亦仲景治胸痺用薤白皆取其辛溫能散胃脘痰飲惡

血之義也本草綱目

薛立齋治一婦人患膈症胸膈痞悶以此屬脾經血虛遂用

四君芎歸調補脾氣尋愈又因怒兼兩脇痞悶頭目不清



月經旬餘未竭用加味道遙散加鈎藤治之復瘥

一婦人患膈病胸膈作痛面青目劓小便頻數或時寒熱此肝氣滯而血凝先用失笑散二服痛止又用加味道遙散而愈

陳三農治一老人患膈氣飲食不下大便乾燥六脈浮大而硬用烏藥四分小茴香一錢研末肉湯調下二錢飲食卽進三服後用烏藥三分陳皮蘇梗杏仁各五分苳仁錢半煎服而愈

一中年婦患梅核氣用二陳加芎歸梔連枳實烏藥瓜蒌旋覆花香附桔梗十數劑而愈

山氏患咽喉噎塞如梅核時時噎氣足冷如冰用散結化痰湯十數劑罔效細思之此陰火也三陰至項而還陰虛火炎故噎氣咽塞足冷耳用滋陰清膈飲數劑諸症悉愈一土膈噎嘔吐或與清火或與疏通或與化痰散鬱之藥半載愈甚陳曰氣口無力兩尺遲緩脾腎交虛之候也脾虛則升降失職而痰起中焦腎虛則真火衰微食難運化與白朮五錢炒焦色半夏二錢炮薑二錢沈香一錢二劑而愈。

孫文垣治張溪亭乃眷喉中梗梗有肉如炙嚙吞之不下吐之不出鼻塞頭暈耳常啾啾不安汗出如而心驚胆怯不

敢出門、稍見風則遍身疼、火盛而鬱者小腹時痛、小便淋

澀而疼、皆鬱火為患脈兩尺皆短、兩關滑大、右關尤搏指、孫曰

此梅核症也、以半夏四錢、厚朴一錢、蘇葉一錢、茯苓一錢、
三分薑三片、水煎食後服、每用此湯調理多效。

按梅核症、乃鬱怒憂思、七情大傷、乃成此病、案中所敘

無非木燥火炎之候、乃以燥剋之、剋成功、合前陳三農

案、大同小異、或當時病人質厚故耳、香燥之剋暫能開氣故即愈、但久則

必復、特案中不肯敘及耳、非緣病人質厚也

臧少庚年五十、每飲食胸膈不順利、覺喉中哽哽、宛轉難下、

大便秘結、內熱肌肉漸瘦、醫與五香連翹湯、五膈丁香散、



不效孫脈之其色蒼黑兩目炯炯不眊。可惟氣促骨立其

脈左弦大右滑大。曰據脈乃謀而不決。氣鬱成火。脾志不

舒致成痰涎。因而血少便燥。內熱肌消。張雞峰有言。脈乃

神思間病。卽是推之當減思慮。斷色慾。薄滋味。絕妄想。俾

神思清淨。然後服藥有功。以桂府滑石六兩。甘草一兩。真

北白芥子。蘿蔔子。射干。連翹。各一兩半。辰砂五錢。以竹茹

四兩煎湯打饅頭糊爲丸。棗豆大。每食後及夜用燈心湯

送下一錢。一日三服。終劑而愈。

易思蘭治一人患膈滿。其症胸膈胃脘飽悶。臍下空虛如飢。

不可忍。腰腿痠痛。坐立戰搖。大便燥結。每日雖進清粥一

二鐘食下嘔酸吐水醋心衆作膈治二年不效診得左右寸關俱沈大有力兩尺自浮至沈三候俱緊按之無力有搖擺之狀此氣膈病也須開導其上滋補其下兼而行之可也遂以暢胃舒中湯投之製之香附蒼朮貝母各八分蘇梗連翹各五分撫芎六分神麴沙參各一錢桔梗四分南木香半分大劑煎徐徐呷之每日空心服八味丸百粒服二日噯氣連聲後亦出濁氣五日可以坐立啖飯二椀服至二七動履如常

喻嘉言治倪慶病膈氣十四日粒米不入口始吐清水次吐綠水次吐黑水次吐臭水呼吸將絕醫已歇手喻適診之

許以可救渠家不信喻曰儘今日晝夜先服理中湯六劑
不令其絕來早轉方一劑全安渠家曰今日滴水不食
能服藥六劑曰但得此等甘溫入口必喜而再服也渠諸
子或庠或弁頗識理析僉曰既有妙方何不卽投必先與
理中此何意也曰金匱云病人噫氣不除者旋覆代赭石
湯主之吾於此病分別用之者有二道一者以黑水爲胃
底之水臭水爲腸中之水此水且去則胃中之津液久已
不存不敢用半夏以燥其胃也一者以將絕之氣止存一
絲以代赭墜之恐其立斷先用理中然後代赭得以建竒
奏績一時之深心卽同千古之已試也及簡仲景方見方

中只用炮姜。而不用乾薑。又謂乾薑比半夏更燥。而不敢用。曰。今所噫者。下焦之氣也。所嘔者。腸中之水也。陽乘陽位。加以日久不食。諸多蚘虫。必上居鬲間。非乾薑之類。則蚘不下轉。而上氣亦不必下轉。妙處正在此。君曷可泥哉。服之果再索藥。三劑後能言云。內氣稍接。但恐太急。俟天明再服。後日轉方爲妥。次早旁議交沮。後三劑不肯服矣。乃持前藥一盞。勉今服之。曰。立地轉方頃刻見效。何如。乃用旋覆花一味煎湯。調代赭石末二匙與之。纔入口。病者曰。好藥。吾氣已轉入丹田矣。二劑胸腹頓爽。已有起色。因觸冷氣復嘔。與前藥立止。思粥令食半盞。飢甚。竟食二盞。

少頃已食六盞復嘔與前藥立止。又因動怒以物擊婢復嘔與前藥立止。以後不復嘔。但精神困倦之極。服補藥二十劑。九藥一斤。將息二月。始能出門。方悔從前少服理中二劑耳。

李士材治張邑宰婦。憂悶之餘。得食輒噎。胸中隱隱作痛。診之脈緊且滑。曰痰在上脘。用二陳加薑汁竹瀝。或曰半夏不燥乎。曰涇痰中滿。非此不治。遂用四劑。病尙不減。改大半夏湯服四帖。胸痛乃止。又四帖而噎亦減。服二十劑而安。若泥半夏爲燥。而以他藥代之。豈能愈乎。惟痰不盛。形不肥者。不宜與服也。凡用半夏者宜審之



北京大學圖書館藏

方春和年近五旬多慾善怒患噎三月日進粉飲一鐘腐漿
半鐘且吐其半六脈細軟此虛寒之候也用理中湯加入
乳薑汁白蜜半夏一劑便減十劑而進糜粥更以十全大
補加竹瀝薑汁四十帖諸症皆愈

一人膈噎不通渣質之物不能下咽惟以人乳醑酒數杯吐
沫不已李曰口吐白沫法在不治脈猶未敗姑冀萬一用
人參黃芪當歸白朮陳皮桃仁牛乳白蜜薑汁連進十劑
白沫漸少倍用參朮三月全安

一人二十三歲以鼓盆之戚悲哀過度不能食飯又十餘日
粥亦不能食隨食隨噎二便閉塞自謂必死診之脈按有

力非死証也。以酒蒸大黃加桃仁當歸砂仁陳皮蜜丸與服。凡五服下燥矢乾血甚多。病若失矣。數日之間能食倍常。

張孟端夫人憂憤交乘。食下輒噎。胸中隱隱痛。陽脈滑而陰脈搏。痰血互凝之象。以二陳湯加歸尾桃仁鬱金五靈脂。四劑未效。因思人參與五靈脂同用。善於濬血。卽以前劑入人參三錢。倍用五靈脂。再劑血從大便而出。十劑噎止。彌月而愈。

人參與五靈脂並用。非明於奇變者不可。

金元之內。患噎膈胸腹奇痛。經阻醫認瘀血。察其脈細爲氣衰。沈爲寒痼。況自下及上。處處皆痛。明非血矣。用參芪



白朮木香薑桂煎成和醕酒進之甫入口便快服理中湯

半月而瘥

以上二案醫通

張路玉治朱彥真酒膈嘔逆不食每月惟痛飲熱酒

少頃即作酸嘔出膈間大痛雜治經年不效良由平昔好

飲熱酒所致即丹溪所謂好飲熱酒死血留胃口之候授

以人參散方用人參一兩煎成加麝香半分

雄案麝兼冰能敗酒

片三厘三劑便能進食益片麝善散胃口之痰與瘀血耳

十劑後改服栝子仁湯半月而安二方出自雲岐人多未

知每以予爲尙異何可爲之辨耶

沈錫蕃平昔大便秘結近患噎膈不能安穀者月餘雖素稟

豐腴近來面色皎白大非往昔時方穀雨正此症危殆之際診得六脈沈澁按久則衰幸舉指則應爲疏六君子湯下一味狗寶作散調服甫十劑嘔止食進再十劑穀肉漸安更十劑起居如故惟大便尙艱以六味丸去澤瀉加苧歸首烏作湯月餘便溺自如秋深更服八味丸而安大抵噎膈之人體肥痰逆者可治枯瘠津衰者不可治同道王公峻患此稟氣病氣與沈氏相類悞信方士專力委之致不起顧人月亦患此自謂脹急不當用參日服仙人對坐草而斃瘦人亦間有可療者秦伯源患此形神枯槁神志抑鬱且湯藥無資子門人鄒恆友令其用琢木鳥入麝熬

膏時嗅其氣以通結。內服逍遙散加香砂以散鬱。不數劑
頓瘳。後陳君亦用此法而愈。又一農人噎膈不食。時嘔清
涎如赤豆沙水。此屬血瘀可知。誤用消剋破氣藥。致絕粒
不食。用桂苓飲加當歸桃仁丹皮牛膝。用熬枯黑糖和蟲
漿調服。下滯黑如污泥者甚多。

俞東扶曰。石頑治病喜用古方。而雜以新藥。能生後學
智慧。如此數條。雖皆昔賢成法。無甚精義。亦足以廣識
見。然金匱祇有反胃湯藥。不載噎膈情形。豈真正膈症。
雖醫中之聖。亦無法以治之耶。

張路玉曰。王御九仲君因驚恐受病。時方晚膳。卽兀兀欲吐。